

Allannguutissatut siunnersuut

uunga

**Uunga siunnersuut: Imigassaq pillugu Inatsisartut inatsisaata allanngortinneqarneranik
Inatsisartut inatsisaat nr. xx, xx. xxx 2019-imeersoq**

Pingajussaaneerneqarnissaanut Naalakkersuisunit saqqummiunneqartoq.

§ 1-imut

1. § 1-imu nr. 1-itut nutaatut ilanngunneqarpoq:

”**1.** Inatsimmi tamarmi ”03.00” ima allanngortinneqassaaq: ”04.00”.“

§ 1, nr. 1-9, tamatuma kingorna tassaalerput 2-10.

2. § 1, nr. 2-p, nr. 3-ngortup, kingorna normutut nutaatut ilanngunneqarpoq:

”**01.** § 26,imm. 1-imu nr. 3-p kingorna nutaatut ilanngunneqassaaq nr. 4:

”4) Unnuakkut ullut freeriusussat nallilerneranni nal. 12.00-imit 04.00-imut. Freeriusussat ima paasineqassapput ullut nalliuttut, tak. § 2, imm. 7.”“

Siunnersuummut nassuiaatit

Nalinginnaasumik nassuiaatit

Aalajangiiffigisassatut siunnersuutit sisamat 2018-imi ukiakkut ataatsimiinnermi Inatsisartunit akuersissutigineqartut tunngavigalugit imigassaq pillugu Inatsisartut inatsisaata allanngortinneqarnissaanik siunnersuut 2019-imi upernaakkut ataatsimiinnermi Naalakkersuisunit saqqummiunneqarpoq. Imigassamik sassaalliisarnermut piffissap ammasarfiup sivitsorneqarnissa pillugu siunnersummik UPA2019/57-imi saqqummiussisoqarpoq, taamaallilluni § 26 naapertorlugu tallimanngornerup arfininngornerullu kingorna unnuami kiisalu ullut freeriusussat nallilerneranni ullaassakkut 04.00-p tungaanut imigassamik sassaalliisinnaalertoqassalluni.

Aalajangersakkanut ataasiakkaanut nassuiaatit

Nr. 1-imut

Imigassanik aalakoornartortalinnik piffissaq sassaalliisarfusoq ima sivitsorneqassaaq tallimanngornermi arfininngornermilu nal. 12.00-imit 04.00-imut sassaalliisoqarsinnaalerluni. Taamaallilluni piffissaq imigassanik aalakoornartortalinnik sassaalliisarfik sivitsorneqassaaq, tassa sassaalliinissamut maanna killissaritinneqarmat nal. 03.00. Sivitsuinikkut innuttaasut imigassanik aalakoornartortalinnik sassaalliisarfinni imersinnaanerat sivitsorneqassaaq.

Ataasiaannartumik atuuttussamik akuersissuteqarnermi nal. 12.00-24.00-ip akornanni sassaalliisinnaaneq atuutiinnassaaq. Taamaakkaluartoq allannguutissatut siunnersuutip nassatarisaanik communalbestyrelsip immikkut akuersissuteqarnissamut periarfissaar tallimanngornerne, arfininngornerne ullullu freerfiusussat nallilerneranni nal. 03.00-imit nal. 04.00-imut sivitsorneqarpoq.

Tamatuma saniatigut ukiutoqqami aammalu juullip ulluisa appaanni nal. 04.00-ip tungaanut imigassanik aalakoornartortalinnik sassaalliisoqarsinnaassaaq.

Allannguutissatut siunnersuut malillugu sassaalliisarfinni imigassanik aalakoornartortalinnik qaqugukkut sassaalliisoqarsinnaaneranut piffissat kisimik allangortinneqarput, tamatumani immikkut akuersissuteqartoqarpat piumasaqaatit pineqarnatik.

Siunnersuut matuma paasineqarnissaanut paatsoortoqaqqunagu § 26, imm. 6 maluginiaqquneqarpoq, taanna atuutiinnassammatt. Sassaalliisarfik piffissap sassaallerfiusinnaasup uninnissaa sioqqullugu akunneq ataaseq tikillugu ammatinneqarsinnaapput, taamaalilluni assersuutigalugu tallimanngornermi arfininngornermilu nal. 05.00-ip tungaanut ammasoqarsinnaammat sassaalliineq nal. 04.00 unittussaammat. Imm. 6 annertunerusumik paasisaqarfigerusukkaanni immikkut nassuaatit innersuussutigineqarput.

Nr. 2-mut

Sassaalliisinnaanermut piffissap nal. 04.00-imut sivitsorneqarnera tallimanngorernut arfininngorernullu taamaallaat atuutinngilaq, aammali ullut freerfiusussat nallilerneranni atuulluni. Aalajangiiffigisassatut siunnersuummi "nalliuuttut ulluinnartigoortut" atornagit "ullut freerfiusussat" atorneqarput. Aningaasaliissutit inatsisilerinikkullu isiginiagassat aallaavigalugit ulloq freerfiusussaq qanoq paasineqassanersoq nassuiassallugu naapertuuttutut isigineqarpoq. Inatsimmi atuuttumi oqariaaseq nalliuuttut imigassaq pillugu Inatsisartut inatsisaanni nr. 35, 23. november 2017-imeersumi § 2, imm. 7-imi nassuaatigineqartut atorneqareerpoq, taamaalillunilu oqariaaseq tamanna aalajangersakkap ilusilersorneqarnerani atorneqarluni.